



1. Reglugerð um mótahald á Íslandi

1.1 Aldursflokkaskipting [áður gr. 4.1]

Keppendum í hestaíþróttum er skipt í eftirfarandi aldursflokka og miðast aldur við almanaksárið, þannig að keppendur séu á tilgreindum aldri árið sem keppnistímabil hefst. Keppnisgreinar hvers aldursflokks eru sem hér segir:

Pollar (9 ára á árinu eða yngri)

Börn (10 - 13 ára á keppnisárinu):

- T1/T3 tölt
- V1/V2 fjórgangur
- fimi A og hindrunarstökk

Aldurstakmörk fyrir barnaflokk eru bindandi, þ.e. þótt ekki sé boðið upp á pollaflokk mega yngri knapar ekki keppa í barnaflokki.

Unglingar (14 - 17 ára á keppnisárinu):

- T1/T3 tölt, T2/T4 tölt
- V1/V2 fjórgangur
- F1/F2 fimmgangur
- PP1 gæðingaskeið
- 100 m skeið P2
- fimi A
- hindrunarstökk

Ungmennni (18 - 21 ára á keppnisárinu):

- T1/T3 tölt
- T2/T4 tölt
- V1/V2 fjórgangur
- F1/F2 fimmgangur
- P1 gæðingaskeið
- P2 100m skeið
- fimi A2
- hindrunarstökk

Fullorðinsflokkur:

- T1/T3 tölt
- T2/T4 tölt
- V1/V2 fjórgangur
- F1/F2 fimmgangur
- PP1 gæðingaskeið



- P3 150 m
- P1 250 m. Skeið
- P2 100 m skeið
- FS1
- hindrunarstökk

Að auki má í öllum aldursflokkum keppa í fleiri greinum tölts og fjórgangs svo sem V4, V5, T7, T8 sem boðið er upp á í reglupakkanum. Og í unglingaflokki og eldri í öllum greinum fjórgangs, tölts og fimmgangs.

Þátttökuréttur í hlaupagreinum sem ræstar eru úr kyrrstöðu skal við miðast við að knapi verði að lágmarki 14 ára á árinu. Keppandi sem ekki hefur náð 16 ára aldri skal framvísa skriflegu leyfi foreldris/forráðamanns.

1.2 Styrkleikaskipting fullorðinsflokks [áður gr. 4.2]

3. flokkur: Hugsaður fyrir algera byrjendur og minna vana áhugamenn. Hámark 3 keppendur inn á vellinum í einu. Keppt skal í V5 og T7, T8 og öðrum léttari keppnisgreinum. Þegar keppnisparið hefur komist í A úrslit á þremur mótum í þessum flokki telst hann ekki lengur byrjandi eða minna vanur áhugamaður og keppir á næsta móti í 2. flokki.

2. flokkur: Hugsaður fyrir minna vant keppnisfólk. Hámark 3 keppendur inni á vellinum í einu. Til dæmis T3, T4, V2 og F2. Fyrir þennan flokk má nota venjulegar greinar og einnig léttari keppnisgreinar fyrir minna vant keppnisfólk sem finna má í kafla um keppnisgreinar. Til dæmis T7 og V5 fyrir þá sem ekki keppa fyrirtöldum greinum.

1. flokkur: Hámark 3 keppendur inni á vellinum í einu svo sem greinum T3, T4, V2 og F2 og fleirum.

Meistaraflokkur: Í meistaraflokki skulu notaðar hringvallargreinar þar sem keppendur eru einir inn á vellinum í einu; T1, T2, V1 og F1 sem og fleiri greinar. Þar mega allir taka þátt og er hann hugsaður fyrir reynt keppnisfólk.

Keppandi má einungis keppa í einum flokki, þ.e. 3. flokki, 2. flokki, 1. flokki eða meistaraflokki á sama móti.

Rísi ágreiningur um flokkaskiptingu keppenda, hefur mótsstjórn úrskurðarvald.

Keppendum í yngri flokkum er heimilt að keppa í næsta aldursflokki fyrir ofan sinn flokk, sé ekki boðið upp á viðkomandi keppnisgrein í þeirra flokki. Þó er þar sú undantekning gerð að börn 9 ára eða yngri mega ekki keppa í barnaflokki.

1.3. Þátttöku- og keppendareglur {Félagaskipti}



Aðeins félagsmönnum hestamannafélaga er heimil þátttaka í opinberum mótum innan vébanda ÍSí. Keppnisrétt öðlast íþróttamenn er þeir hafa verið einn mánuð á félagaskrá hlutaðeigandi hestamannafélags.

[3.3.1 Félagaskipti

Félagaskipti skulu fara fram á þar til gerðu eyðublaði, sem LH gefur út, og kallast félagaskiptaeyðublað. Eyðublaðið skal undirritað af viðkomandi keppanda, félagi því sem gengið er úr og félagi því sem gengið er í. LH staðfestir félagaskiptin og öðlast viðkomandi keppandi þar með keppnisrétt með hinu nýja félagi í fyllingu tímans. LH er ekki heimilt að staðfesta félagaskipti fyrr en undirskrift keppanda og viðkomandi félaga liggur fyrir.

3.3.2 Heimild til undirritunar félagaskipta

Heimild til að undirrita félagaskiptaeyðublað hafa:

- Formenn félaga eða staðgenglar þeirra.
- Formaður LH eða staðgengill hans.
- Viðkomandi keppandi, eða aðili með skriflegt umboð hans.

3.3.3 Keppandi

Keppandi getur aðeins tekið þátt í íþróttamóti/gæðingakeppni í nafni eins félags á sama keppnistímabili. Sjá þó greinar 3.3.4. og 3.4.

3.3.4 Heimild til félagaskipta

Heimilt er að skipta um félag á tímabilinu 1. janúar til febrúarloka ár hvert. Hafi keppandi ekki tekið þátt í móti s.l. tvö keppnistímabil, gilda þessi tímamörk ekki. Keppandi sem flytur lögheimili og dvalarstað sinn milli héraða innan keppnistímabilsins og gengur í félag á nýjum dvalarstað, hefur rétt á að keppa fyrir hið nýja félag sitt, þótt hann hafi áður á sama keppnistímabili keppt fyrir annað félag í sínum fyrri heimkynnum. Félagaskipti skulu fara eftir reglum um félagaskipti.

Heimilt er að draga félagaskipti til baka, hafi keppandi ekki tekið þátt í íþróttamóti með sínu nýja félagi á keppnistímabilinu, og öðlast hann þá keppnisheimild með sínu gamla félagi strax og hann hefur sannanlega lagt fram skriflega beiðni þar að lútandi til LH.

Óski keppandi félagaskipta skal hann greiða LH gjald, sem nemur kr. 2.500,- og greiðist við samþykki LH. LH er óheimilt að staðfesta félagaskipti nema gjald þetta sé greitt.

Félagi er óheimilt að synja keppanda um félagaskipti, sé hann skuldlaus við félagið.

LH skal tilkynna öllum félögum um félagaskipti keppenda eigi síðar en 7 dögum eftir að LH hefur staðfest félagaskiptin.

3.4 Erlendir ríkisborgarar



Erlendum ríkisborgurum er heimil þátttaka í opinberum mótum innan vébanda LH ÍSÍ, öðrum en millilandakeppni, að uppfylltu eftirfarandi skilyrði:

Keppandi sé löglegur félagi í hestamannafélagi og uppfylli ákvæði um keppnisrétt sbr. 3.1.

~~Um félagsskipti erlendra ríkisborgara gilda reglur greinar 3.3.~~

Erlundur ríkisborgari getur aldrei verið titlaður Íslandsmeistari, þótt hann sigri grein á Íslandsmóti og skal þá Íslandsmeistari krýndur sá íslenskur ríkisborgari sem er í næsta sæti við erlenda ríkisborgarann.

1.4. Viðurlög

Taki keppandi þátt í móti, þar sem ákvæðum 3.3. og 3.4. greinar er ekki fylgt, varðar það missi titils og verðlauna. ~~Þá skal refsa keppanda og mótshaldara.~~

3.6 Um breytingar

~~Lagabreytingar og breytingar á reglugerðum, sem samþykktar eru á ársþingi LH, skulu berast til aðildarsambanda og formanna félaga í síðasta lagi í mars-ár hvert. Þá skal stjórn LH senda með fundargerðum sínum samþykktir og reglugerðir, sem hún samþykkir milli ársþinga.~~

[Ný grein]

1.4. Dómarar LH

[Ný grein]

1.5 Úrskurðarnefndir og dómstóll ÍSÍ

1.6 Íslenskar sérreglur um keppni [áður gr. 3.1]

Keppnistímabilið er almanaksárið. Keppnistímabil í reglum þessum þýðir hvert byrjað keppnistímabil þar sem það á við.

1.1.1 Auglýsingar móta [áður gr. 2.8.1]

Opin íþróttamót og keppni milli héraða skal auglýsa með minnst 7 daga fyrirvara. Opinber innanhéraðsmót skal auglýsa með minnst 7 daga fyrirvara. Sé um mót að ræða, sem greiða þarf til þátttökugjald, skal þess getið í auglýsingunni og gjaldið fylgja þátttökutilkynningunni. Þá skal koma fram frestur til að tilkynna þátttöku og skal hann aldrei vera skemmri en 3 dagar. Innanfélagsmót skal auglýsa þannig að félagsmenn eigi almennt kost á að kynna sér efni auglýsingarinnar. Verði af einhverjum ástæðum að fresta eða endurtaka keppni/mót, mega þeir einir keppa sem höfðu keppnisrétt, þegar keppnin/mótið átti að fara fram nema ef opnað hefur verið fyrir skráningu og skal þá auglýsa nýjan skráningarfrest vandlega. Frestun eða framhald móts ber að auglýsa vandlega.

1.1.2 Framkvæmdanefndir móta [áður gr. 2.8.2]

Undirbúning móta annast framkvæmdanefnd (sjá þó sérreglur um Íslandsmót, Lands- og Fjórðungsmót, sem stjórn eða stjórnir viðkomandi hestamannafélaga skipa. Framkvæmdanefnd semur dagskrá mótsins, ákveður skráningargjöld, annast auglýsingu móts, móttöku þátttökutilkynninga og sér um



annan undirbúning. Framkvæmdanefnd ber ábyrgð á að nægjanlega margt starfsfólk sé til staðar. Framkvæmdanefnd skipar eftirtalda starfsmenn mótsins:

Mótsstjóra, sem skipa skal um leið og framkvæmdanefnd. Hann annast allan undirbúning móts ásamt framkvæmdanefnd. Hann ber ábyrgð á því að mótið fari fram eftir auglýstri dagskrá. Mótsstjóri ber ábyrgð á að dómgögn séu til staðar ásamt riturum.

Vallastjóri, sem annast verkstjórn á mótssvæði meðan á móti stendur og hefur umsjón með framkvæmd dagskrár, í samráði við mótsstjóra.

Pul, sem kynnir dagskrárliði og kappkostar að mótshald gangi greiðlega fyrir sig.

Fóta- og reiðtygjaskoðunarmenn, þeir starfa í umboði dómara.

1.1.3 Skipan yfirdómnefndar [áður gr. 2.8.3]

Yfirdómari, mótsstjóri og fulltrúi knapa mynda yfirdómnefnd. Yfirdómari er formaður hennar.

1.1.4 Verkefni framkvæmdanefndar [áður gr. 2.8.5]

Framkvæmdanefnd opinna móta og móta á milli héraða skal sjá um útgáfu mótsskrár, sem sé tilbúin a.m.k. tveimur sólarhringum fyrir upphaf móts. Í mótsskrá skal koma fram a.m.k. dagskrá mótsins, nafn keppanda og félags hans, nafn, litur og aldur hests, ásamt öðrum upplýsingum sem framkvæmdanefnd óskar. Framkvæmdanefnd skal sjá um að keppendur gefi umbeðnar upplýsingar þegar við skráningu.

1.1.5 Skyldur keppenda [áður gr. 2.8.8]

Keppendum er óheimilt að vera undir áhrifum áfengis **og/eða vímuefna**. Leiki grunur á að svo sé (~~áberandi-vínlykt~~), þó ekki séu tók á að færa fullar sannanir fram að lögum fyrir ölvun, skal yfirdómnefnd koma saman og ákvarða hvort og hvernig refsingu skuli háttáð:

Reynist yfirdómnefnd sammála um að kvörtun eigi ekki við rök að styðjast, fellur málið niður.

Reynist einn yfirdómnefndarmaður álíta að um brot sé að ræða, skal áminna keppanda án spjalds.

Reynist tveir yfirdómnefndarmenn álíta að um brot sé að ræða, skal áminna keppanda og sýna honum gult spjald.

Reynist allir yfirdómnefndarmenn álíta að um brot sé að ræða, skal sýna keppanda rautt spjald, honum umsvifalaust vikið úr keppni og árangur hans felldur niður.

Rétt til að bera fram kæru til yfirdómnefndar hafa keppendur og starfsmenn móta. Starfsmönnum ber að koma kærur sínum umsvifalaust til yfirdómnefndar.

1.1.6 Skyldur dómara og starfsmanna [áður gr. 2.8.9 og 2.8.9.1]

Dómarar og starfsmenn móta skulu jafnan koma til starfa það tímanlega, að þeir geti gengið úr skugga um að allur útbúnaður sé löglegur.

Starfsmenn móta skulu koma fram af fyllstu kurteisi. Sýni starfsmaður móts vítaverða framkomu gagnvart keppendum eða áhorfendum, hefur yfirdómnefnd heimild til að víkja honum frá störfum.



1.1.7 Ferðalög erlendis [áður gr. 2.8.11]

Þegar um er að ræða keppendur í hestaíþróttum sem mynda íþróttaflokka, skulu þeir á ferðum sínum, innanlands og utan, fara eftir reglum LH um ferðalög. Knappar, jafnt íþróttar- sem kynbótaknappar, starfsmenn og þjálfarar sem ferðast á vegum LH í keppnisferðum innanlands og erlendis skulu allir hlíta sömu reglum varðandi agabrot.

1.1.8 Innanhússmót [áður gr. 8.4.2.1]

Almennt gilda sömu reglur og utanhúss með eftirfarandi undantekningum. Sérstaklega skal minnt á skil á mótsskýrslu til að árangur skráist í Mótafeng og þar með inn í Worldfeng.

Þegar riðið er inn á völl á innanhússmótum er leyfilegt að leyfa lengri leið áður en keppni hefst, eftir því sem aðstæður leyfa.

Einkunnir úr innanhússmótum gilda ekki sem árangur til keppni utanhúss. Þær gilda því ekki sem lágmarkseinkunn til þátttöku í tölti á Landsmóti né ekki til þátttöku á Íslandsmóti.

Til að innanhússmót verði lögleg og telji til árangurs knapa á hvers keppnisárs þarf vallarstærð að vera að lágmarki 19 m. á breidd og 50 m. á lengd.

Innanhússmót munu ekki vera lögleg til að vera á stöðulistum FEIF.

1.1.9 Dæmt úr leik [áður gr. 8.5.6]

Hestar, sem sýna hrekki, fælni, kergju eða aðra viðlíka ókosti, skal vísa úr keppni.

1.1.10 Aðstæður til skeiðkappreiða [áður gr. 8.6.1]

Aðstæður til skeiðkappreiða skulu vera viðunandi og þannig sett upp að slyshætta sé í algjöru lágmarki. Startbásar skulu vera eins hljóðlátir eins og unnt er og byggðir upp á þann hátt að öryggi hests og knapa sé í fyrirrúmi. Fyrir skeið með fljúgandi starti skal aðdragandi skeiðkaflans vera nægilega langur og vel afmarkaður eins og skeiðkaflinn sjálfur. Niðurhægingarkafllinn eftir að skeiðkafla lýkur skal vera afmarkaður að lágmarki 70 m. og í framhaldi flóttaleið sem sé því sem næst bein eða í aflíðandi línu, leiðin sé greiðfær og undirlag stöðugt. Mótsstjóri, yfirdómari og fulltrúi knapa skulu yfirfara og samþykkja að aðstæður til skeiðkappreiða séu viðunandi. Fulltrúi knapa hefur meira vægi en mótsstjóri og yfirdómari telji hann aðstæður ekki viðunandi.

[ný fyrirsögn]

1.7. Eyðublöð [Áður kafli 9, viðauki]

Mótaskýrsla og skýrsla yfirdómnefndar koma hér fyrir neðan. Öll mót eiga að senda báðar skýrslurnar strax að móti loknu, undirritaðar af viðkomandi aðilum.

1.5.1 Mótaskýrsla

Mót:	Staðsetning:
Mótshaldari:	Sími:

LANDSSAMBAND HESTAMANNAFÉLAGA
STOFNAÐ 1949



Dagsetning:	Auglýst dags:
Tengiliður:	Sími:
Keppnisgreinar:	
- Börn:	
- Unglingar:	
- Ungmenn:	
- 2. flokkur:	
- 1. flokkur:	
- Meistaraflokkur:	
- Annað:	
Formaður framkvæmdanefndar:	
Mótsstjóri:	
Vallarstjóri:	
Fótaskoðun:	
Þulur/pulir:	
Yfirdómari:	
Dómarar:	
Áminningar og kærur:	



Stutt skýrsla og athugasemdir framkvæmdanefndar:

Dags: _____

Formaður framkvæmdanefndar

Athugið: Senda skal árangur keppenda í eða með skýrslu þessari. Nóg er að senda mótaskrá þar sem árangur kemur fram. Mótaskráin skal þá staðfest af dómurum mótsins með undirskrift sinni.

1.5.2 Skýrsla yfirdómnefndar

LANDSSAMBAND HESTAMANNAFÉLAGA
STOFNAÐ 1949



Mót:	Staðsetning:
Mótshaldari:	Sími:
Dagsetning:	Auglýst dags:
Tengiliður:	Sími:
Yfirdómari:	
Mótsstjóri:	
Fulltrúi knapa:	
Agabrot (tilgreinið nafn, kennitölu og félag viðkomandi):	
Agabrot (tilgreinið nafn, kennitölu og félag viðkomandi):	
Stutt skýrsla og athugasemdir yfirdómnefndar:	

Dagsetning: _____

LANDSSAMBAND HESTAMANNAFÉLAGA

STOFNAÐ 1949



Yfirdómnefnd:

Yfirdómari: _____

Mótsstjóri: _____

Vallarstjóri: _____